



大秦國

(《括地志》云……宋麇《異物志》云:)

秦之北附庸小邑，有羊羔自然生於土中，候其欲萌，築牆繞之恐獸所食。其臍與地連，割絕則死。擊物驚之，乃驚鳴，臍遂絕，則逐水草為群。又大秦金二枚，皆大如瓜，植[擲]之滋息無極，觀之如用則真金也。

[《史記正義》卷一二三·大宛列傳]

三國志·吳書

[吳主赤烏六年]十二月[公元344年]，扶南王范旃遣使獻樂人及方物。

[（晉）陳壽《三國志》卷四七·吳書·吳主孫權傳第二]

岱既定交州，復進討九真，斬獲以萬數。又遣從事南宣國化，暨徼外扶南、林邑、堂明諸王，各遣使奉貢。權嘉其功，進拜鎮南將軍。

[（晉）陳壽《三國志》卷六〇·吳書·呂岱傳]

